

**ORDENANZA FISCAL Nº II.11 REGULADORA
DA TAXA POR UTILIZACIÓN DAS
INSTALACIÓNS EXISTENTES NOS
MERCADOS DESTE CONCELLO**

NATUREZA E FUNDAMENTO

ARTIGO 1

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos do 15 ó 19 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, este Concello ó obxecto de fixa-la estrutura, contía e demais aspectos necesarios para axiliza-la xestión e recadación da TAXA POR UTILIZACIÓN DAS INSTALACIÓNS EXISTENTES NOS MERCADOS DESTE CONCELLO, acorda:

FEITO IMPOÑIBLE

ARTIGO 2

Constitue o feito impoñible desta Taxa as seguintes utilizacións de postos:

- Postos fixos, en locais pechados, con utilización permanente.
- Postos fixos, en locais abertos, con utilización permanente.
- Postos por día, nas bancadas xerais.

SUXEITO PASIVO

ARTIGO 3

Son suxeitos pasivos da Taxa regulada nesta Ordenanza Fiscal, as persoas ou Entidades que utilicen os postos dos mercados do Municipio, para exercer-las actividades de compra-venda dos artigos que se especifican nas tarifas.

RESPONSABLES

ARTIGO 4

Serán responsables solidarios das obrigas tributarias dos suxeitos pasivos, as persoas físicas e xurídicas ás que se refiren os arts. 41 e 42 da Lei Xeral Tributaria.

Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o art. 43 da Lei Xeral Tributaria.

CONTÍA

ARTIGO 5

A estrutura e contía desta Taxa será a que figura na seguinte

TARIFA

PRAZA DE ABASTOS DE VILAGARCÍA:

	€
Por concesión e ocupación de postos cerrados no exterior da praza de abastos, zona H números 1 ó 23 e da zona D, o número 33 e 34, cada mes	64,25
Id.id. postos exteriores zona I, do 1 ó 6	59,05
Id. id no interior de prazas para vendas de carnes, ó mes	37,30
Id id para venda de peixes	37,30
Id id de postos cerrados para cámaras frigoríficas	49,70
Por concesión e ocupación dos demais postos pechados no interior de cada praza de Abastos	37,30
Postos abertos no interior da Praza de Abastos (mesas peixeiras)	26,90
Postos abertos no interior da Praza de Abastos (resto mesas)	24,85

PRAZA DE ABASTOS DE VILAXOÁN E CARRIL:

	€
Por concesión e ocupación de postos pechados no interior destas prazas, para vendas de carnes, ó mes	31,05
Id. id dos destinados a outras vendas	24,85

OCUPACIÓN DE POSTOS LIBRES NO INTERIOR DA PRAZA DE ABASTOS:

	€
Con peixes, mariscos, na mesa de ata 2 M/2, por día	3,10
Con legumes, froitos e outros, na mesa ata 2 M/2, por día	2,10

EN CARRIL E VILAXOÁN:

	€
Con peixe, marisco, na mesa de ata 2 M/2, por día	1,85
Con legumes, froitos e outros, na mesa ata 2 M/2, por día	1,05

PORCOS:

	€
Cada porco de ceba	1,70
Cada porco de cría	0,75
Cada leitón	0,30

UTILIZACIÓN DE CÁMARAS FRIGORÍFICAS:

	€
Por cada caixa, cesta ou similar, por día	1,30

OBSERVACIÓNS:

Primeira: Para que calquera clase de mercadoría quede exenta do pago desta Taxa, deberá vir consignada directamente ó comprador, sen que poida destinarse á venda ambulante, ou posto fixo.

Segunda: O radio para esta Taxa, das prazas de Abastos de Vilagarcía, Carril e Vilaxoán, é o que está fixado nas normas complementarias a tódalas Ordenanzas Fiscais.

Terceira: A Alcaldía poderá subastar tódolos postos pechados das prazas de Abastos de Vilagarcía, Carril e Vilaxoán, tomando como mínimo as cotas de Tarifa.

NORMAS DE XESTIÓN

ARTIGO 6

1.-As cantidades esixibles con arreglo ás tarifas liquidaranse por cada aproveitamento solicitado ou realizado e serán irreducibles polos períodos de tempo sinalados nos respectivos epígrafes.

2°.-As concesións de uso e disfrute de instalacións dispoñibles outórganse provisionalmente a petición da parte interesada pola Xunta de Goberno Local, ou o Sr. Alcalde, e con carácter permanente a medio de subastas que se celebrarán segundo o establecido na normativa legal aplicable á Administración Local.

3°.-As persoas ou entidades interesadas na concesión de aproveitamentos fixos regulados nesta Ordenanza Fiscal deberán solicitar previamente a correspondente licencia e realiza-lo depósito previo o que se refire o artigo seguinte.

4°.-O encargado do mercado remitirá no primeiro mes de cada exercicio, relación de tódolos obrigados ó pago por instalacións fixas, indicando a súa numeración, destino e cota sinalada, para que tanto a Intervención coma a Administración de Rendas, poidan computalas cos antecedentes das súas respectivas oficinas. Remitirá, así mesmo, mensualmente relación de altas e baixas ocorridas con expresión das datas que teñan lugar.

5°.-As persoas interesadas en ocupar postos por día, solicitarano ó encargado do mercado, quen sinalará o lugar e efectuará o cobro da Taxa no momento da ocupación.

DEVENGO

ARTIGO 7

1°.- O devengo da Taxa regulada por utilización de postos fixos, nace:

a) Concesións provisionais: No momento de solicitalas

b) Concesións permanentes: Unha vez adxudicadas e notificadas e antes de entrar no uso e disfrute dos postos.

c) Concesións xa autorizadas: O día primeiro de cada un dos períodos naturais de tempo sinalados na tarifa, ou no seu caso, o período que determine a Alcaldía.

2

2.- O pago do Taxa realizarase:

a) Tratándose de concesións de novos aproveitamentos, por ingreso directo na Depositaria Municipal ou onde establecese o Alcalde, pero sempre antes de retirar-la correspondente licencia. Este ingreso terá carácter de depósito previo, de conformidade co disposto no artigo 47.1 da Lei 39/88, do 28 de decembro, quedando elevado a definitivo ó concederse a licencia correspondente.

b) Tratándose de concesións de aproveitamentos xa prorrogados unha vez incluídos na relación de usuarios, nos períodos que sinale o epígrafe da tarifa, ou no seu caso, nos que determine a Alcaldía.

CADUCIDADE

ARTIGO 8

As Concesións de uso e disfrute de calquera natureza consideranse caducadas, declarándose dispoñibles as instalacións en calquera dos seguintes casos:

- a) A petición dos adxudicatarios.
- b) “Mortis Causa”, agás o disposto no artigo 12.
- c) A causa do incumprimento por parte dos concesionarios de obrigacións de orde sanitario e das que sinale o texto desta Ordenanza e demais disposicións aplicables.
- d) Por falta de pago de calquera dereitos ó Concello debidos por razón da industria que na instalación exerza, ou pola tardanza en verificalos polo espazo de tempo superior a un mes.
- e) Cando transcorran máis de sesenta días en proceder á posta en marcha da industria para a que foi adxudicada unha instalación, ou se suspenda o seu exercicio polo mesmo período de tempo.
- f) Polo incumprimento de calquera outras obrigacións acordadas ou que se acorden no sucesivo.

Nos casos da letra e) non terá efecto a caducidade da concesión cando se estea ó corrente no pago dos dereitos e non sexa solicitada por outras persoas a utilización das casetas para vendas.

Tanto cando se trate de declara-la caducidade dunha instalación, coma cando se pretenda deixala sen

efecto, será previo acordo do Concello, visto o informe do Interventor.

Os adxudicatarios que sexan desposuídos dos seus dereitos polos motivos arriba sinalados, non terán dereito a ningunha indemnización.

O encargado de Mercados, cando se dean circunstancias que orixinen a caducidade das concesións, comunicarao tan axiña como as advirta a Administración de Rendas e a Intervención.

TRANSFERENCIA

ARTIGO 9

- a) Por sucesión hereditaria entre pais e fillos e entre cónxuxes.
- b) Por actos “inter vivos”.

En ambos casos con actualización do canon mensual e demais dereitos que se fixan no artigo quinto.

ENTRADA EN VIGOR

A presente Ordenanza Fiscal, aprobada a súa redacción definitiva polo Pleno da Corporación en sesión celebrada o día 26 de decembro de 2013, e comezará a aplicarse unha vez transcorra o prazo previsto no artigo 49 e 65.2 da Lei 7/85, do 2 de abril, e manterase en vigor mentres non se acorde a súa derogación ou modificación expresa.

Fechas anteriores modificacións:

PUBLICADO BOP (modificación tarifas): 28/12/2000
PUBLICADO BOP (modificación tarifas): 17/12/2001
PUBLICADO BOP (modificación tarifas): 30/12/2002
PUBLICADO BOP (modificación tarifas): 29/12/2003
PUBLICADO BOP (modificación tarifas): 28/12/2004
PUBLICADO BOP (modificación tarifas): 28/12/2005
PUBLICADO BOP (modificación tarifas): 27/12/2007
PUBLICADO BOP (modificación tarifas): 19/03/2012
PUBLICADO BOP: 11/02/2013

Fecha modificación actual:

PUBLICADO BOP: 30/12/2013

